



Broj: 16-12-16-2-6827-11 /15
I. Sarajevo, 08.10. 2015. godine

Na osnovu člana 10. stav (1) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-6827/15 od 02.10.2015. godine, u postupku javne nabavke usluge štampanja (štampanje propisanih evidencija) za potrebe Državne agencije za istrage i zaštitu, zamjenik direktora Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponude za javnu nabavku usluge štampanja (štampanje propisanih evidencija)

Član 1.

Prihvata se preporuka Komisije za provođenje postupka nabavke broj 16-12-16-2-6827/15 od 02.10.2015. godine i okvirni sporazum za period od dvije godine pružanja usluge štampanja (štampanja propisanih evidencija) za potrebe Državne agencije za istrage i zaštitu dodjeljuju se ponuđaču "ERMEX" d.o.o. Istočno Sarajevo, ponuda broj 16-12-16-2-6827-8/15 od 21.09.2015. godine, za ponudenu cijenu 6.125,00 KM bez uračunatog PDV-a.

Član 2.

Ponuđač iz člana 1. ove odluke: "ERMEX" d.o.o. Istočno Sarajevo obavezuju se da u roku od pet dana od dana prijema iste ugovornom organu dostavi dokaz iz tačke 3.1.2. Konkurentskog zahtjeva (orginal ili ovjerena kopija).

Član 3.

Prijedlog okvirnog sporazuma dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluge štampanja (štampanje propisanih evidencija) za potrebe Državne agencije za istrage i zaštitu (u daljem tekstu: Agencija) pokrenut je Odlukom zamjenika direktora Agencije broj 16-12-16-2-6827-1/15 od 25.08.2015. godine, procijenjene vrijednosti 4.000,00 KM bez uračunatog PDV-a, na godišnjem nivou za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva za dostavljanje ponuda, za koji je obavještenje o javnoj nabavci objavljeno na Portalu javnih nabavki broj 1161-7-2-836-24/15 od 10.09.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-6827/15 od 02.10.2015. godine sa preporukom o izboru najpovoljnijeg ponuđača u postupku javne nabavke usluge štampanja (štampanje propisanih evidencija) za potrebe Državne agencije za istrage i zaštitu.

Komisija je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike.

Blagovremeno su pristigle dvije ponude i to:

Redni broj	Naziv ponuđača	Vrijednost ponude (bez PDV-a)
1.	„ERMEX” d.o.o. Istočno Sarajevo	6.125,00 KM
2.	„SVJETLOST-BH PRINT” d.o.o. Sarajevo	6.500,00 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana od dana otvaranja dostavila ponuđačima.

Komisija je postupak nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači „ERMEX“ d.o.o. Istočno Sarajevo i „SVJETLOST-BH PRINT“ d.o.o. Sarajevo ispunjavaju kvalifikacione uslove u pogledu njihove lične sposobnosti i sposobnosti obavljanja profesionalne djelatnosti. Također, Komisija je utvrdila da navedeni ponuđači pored kvalifikacionih uslova ispunjavaju i formalno-pravne uslove predviđene Konkurentskim zahtjevom, te podliježu primjeni preferencijalnog tretmana domaćeg.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva i sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	Vrijednost ponude (bez PDV-a)
1.	„ERMEX“ d.o.o. Istočno Sarajevo	6.125,00 KM
2.	„SVJETLOST – BH PRINT“ d.o.o. Sarajevo	6.500,00 KM

Nakon izvršene ocjene dostavljenih ponuda Komisija je konstatovala da ponuda ponuđača „ERMEX“ d.o.o. Istočno Sarajevo, kao najpovoljnija ponuda, premašuje procijenjenu vrijednost nabavke za 2.125,00 KM ili cca. 53%. Komisija je aktom broj 16-12-16-2-6827/15 od 24.09.2015. godine, od Sektora za materijalno-finansijske poslove tražila stav i mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove je aktom od 01.10.2015. godine dostavio mišljenje da je u budžetu Agencije za 2015. godinu moguće obezbijediti dodatna novčana sredstava za realizaciju premetne nabavke.

Nakon provednog postupka ocjenjivanja dostavljenih ponuda, uvažavajući mišljenje Sektora za materijalno-finansijske poslove Komisija je utvrdila da je ponuda ponuđača „ERMEX“ d.o.o. Istočno Sarajevo ocijenjena kao najpovoljnija, te da ista podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se predmetni okvirni sporazum za period od dvije godine dodijeli ponuđaču „ERMEX“ d.o.o. Istočno Sarajevo kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

